

30. janúar 2019

YRKJA V

YRKJA er starfsþróunarverkefni Tónverkamiðstöðvar fyrir tónskáld. Verkefnið parar saman valin tónskáld úr ólíkum áttum við úrval íslenskra listastofnanna. Hér er auglýst eftir umsóknum um þátttöku í **YRKJU með Sinfóníuhljómsveit Íslands** sem stendur yfir frá **10. apríl 2019 til 31. janúar 2020**.

Markmið YRKJU er að veita nýjum tónskáldum hagnýta reynslu í upphafi starfsferils þeirra. Verkefnið undirbýr tónskáld fyrir faglega vinnu með stærri hljómsveitum, hátíðum og öðrum listastofnunum hérlandis og erlendis. Tónskáldið fær tækifæri til að þróa hæfileika og listrænan metnað, fær starfsreynslu og myndar mikilvæg tengsl innan tónlistargeirans.

Að þessu sinni bjóða Tónverkamiðstöð og Sinfóníuhljómsveit Íslands tveimur tónskáldum að verja tímabilinu frá 10. apríl 2019 til 31. janúar 2020 í YRKJU undir handleiðslu **Önnu Þorvaldsdóttur**, staðartónskálds Sinfóníuhljómsveitarinnar. Tónskáldin munu fá innsýn í innra starf hljómsveitarinnar, þróa færni sína í að semja verk fyrir sinfóníuhljómsveit og að endingu verða verkin flutt á sérstökum tónleikum á **Myrkum músikdögum 31. janúar 2020**. Tónskáldin munu jafnframt fá tækifæri til að vinna náið með hljóðfæraleikurum í sérstökum tónskáldastofum. Verkefnastjórn YRKJU hvetur bæði karla og konur að sækja um.

Áhersla er lögð á ferli listsköpunar og munu þátttakendur í YRKJU verða hvattir til að þróa hugmyndir sínar og aðferðir við sköpun. YRKJA hlúir að starfsferli tónskáldanna og mun því verkefnið fela í sér viðtöl í Tónverkamiðstöð um starfsferil tónskáldins.

Umfang

- Tónskáldið skal semja 10 mínútna hljómsveitarverk á verkefnistímanum og fær tækifæri til að vinna það í vinnustofum, tónskáldastofu og æfingum undir handleiðslu Önnu Þorvaldsdóttur.
- Verkið skal vera fyrir staðlaða stærð SÍ, án einleikara, rafhljóða, eða aukahljóðfæraleikara.
- Gert er ráð fyrir a.m.k. 30 starfsstundum þar sem tónskáldin starfa í samvinnu við hljómsveit og mentor
- Tónskáldin skulu skrá og skila fullunnum og prenthæfum nótum (raddskrá og röddum) til Tónverkamiðstöðvar á rafrænu formi sem miðstöðin mun sjá um að útbúa fyrir hljómsveitina á pappír.

Verkþættir

- Tónskáldið kynnist innviðum Sinfóníuhljómsveitar Íslands; tónleika- og hljómsveitarstjórnun, nótnasafni, markaðssetningu og fræðslustarfi, fundum um áætlanagerð, æfingaplani, tónleikum og upptökum. Gæti innifalið tíma með hljóðfæraleikurum á æfingátíma til að prófa einstök hljóðfæri eða þróa hugmyndir.
- Tónskáldið fær aðgang að öllum æfingum Sinfóníuhljómsveitar Íslands á verkefnistímanum.
- Tónskáldið mætir á kynningardag Sinfóníunnar í Hörpu.
- Tónskáldið þróa hljómsveitarverk undir handleiðslu Önnu Þovaldsdóttur.
- Tónskáldið hefur samráð við og þiggur ráðgjöf frá Tónverkamiðstöð varðandi uppsetningu og frágang á hljómsveitarnótum.
- Tónskáldið mætir í Tónskáldastofu, allar vinnustofur og aðalæfingu, tónskáldahittinga og starfsþróunarviðtöl Tónverkamiðstöðvar og er viðstaddur YRKJU-tónleika.

Tímalína

Birt með fyrirvara um breytingar

DAGSETNING	VERKÞÁTTUR
1. febrúar 2019	Auglýst eftir umsóknum.
1. mars 2019	Umsóknarfresti lýkur.
2. apríl 2019	Tónskáldaval tilkynnt – Svör við umsóknum.
10. apríl 2019	Heimsókn þátttakenda til Sinfóníuhljómsveitarinnar, kynning á starfsemi.
10. apríl 2019	Vinnustofa – Mentor og tónskáld.
apríl 2019	Viðtal í Tónverkamiðstöð, tímasetning eftir samkomulagi tónskálda og ÍTM.
30. maí 2019	Skil á efni til Tónverkamiðstöðvar fyrir Tónskáldastofu. Skil á nótum til Sí viku síðar.
13. júní 2019	Tónskáldastofa 1 með mentor, hljómsveitarstjóra og hljómsveit.
Byrjun september 2019*	Vinnustofa – Mentor og tónskáld.
10. september 2019	Skil á efni til Tónverkamiðstöðvar fyrir Tónskáldastofu. Skil á nótum til Sí viku síðar.
29. október 2019	Tónskáldastofa 2 með mentor, hljómsveitarstjóra og hljómsveit.
12. desember 2019	Lokaskil á efni til Tónverkamiðstöðvar fyrir YRKJU-tónleika. Skil á nótum til Sí viku síðar.
27.-31. janúar 2020	Æfingar Sí fyrir Myrka músíkdaga og YRKJU.
31. janúar 2020	YRKJU-tónleikar (hljóðprufa og tónleikar).
3. febrúar 2020	Viðtal í Tónverkamiðstöð.

*nákvæm dagsetning ákveðin síðar í samráði við Sí og mentor verkefnisins.

Valferli

Fimm manna dómnefnd fer yfir allar umsóknir og tvö tónskáld verða svo valin til þátttöku í verkefninu. Dómnefnd leitast við að viðhalda jöfnum kynjahlutföllum í verkefninu. Formaður dómnefndar er Anna Þorvaldsdóttir. Öllum umsóknum verður svarað og er niðurstaða dómnefndar endanleg.

Hver getur sótt um?

- Verkefnið er ætlað tónskáldum sem eru á fyrri hluta starfsferilsins. Þess vegna verður umsækjandi að hafa útskrifast með gráðu í tónsmíðum eða tengdu námi á síðustu 10 árum.
- Verkefnið er öllum opið óháð aldri.
- Umsækjandi skuldbindur sig að mæta í öll viðtöl, vinnustofur, tónskáldastofur og tónskáldahittinga verkefnisins. Sjá nánar í tímalínu.
- Umsækjandi skuldbindur sig til að gefa verkefninu góðan tíma og má ekki vera í of mörgum öðrum verkefnum á sama tíma.
- Með þátttöku í verkefninu gefur það tónskáld sem er valið kost á sér í kynningu fyrir verkefnið, t.d. með ljósmyndun, viðtölum við fjölmiðla o.fl. í þeim dúr eftir því sem þörf krefur.
- Umsækjandi verður að líta á verkefnið sem stórt tækifæri á sínum ferli.

Innihald umsóknar

- Nafn, kennitala, heimilisfang, netfang og sími.
- Tenglar á heimasíður og samfélagsmiðla eftir því sem við á.
- Mynd af umsækjanda.
- Ferilskrá (CV) – hámark 2 A4 bls.
- Ferilsaga (Biography) - hámark 100 orð.
- Umsóknartexti þar sem umsækjandi segir frá því af hverju hún/hann hefur áhuga á að taka þátt í verkefninu. Hámark ein blaðsíða í A4 stærð. Vinsamlegast tilgreinið eftirfarandi atriði:
 - Hugmynd að verki sem þú vilt vinna á verkefnistímanum
 - Af hverju hefur þú áhuga á að taka þátt í verkefninu?
 - Hvað telur þú að þú munir læra af þátttöku í verkefninu?
- Hvað annað hefur þú á dagskrá á verkefnistímanum? Telur þú þig hafa tíma til að sinna verkefninu vel?
- Raddskrár af tveimur til fimm verkum. Verkin verða að vera nýleg, ekki eldri en fimm ára, og a.m.k. eitt þeirra skrifað fyrir fleiri en 12 hljóðfæraleikara. Með verkunum má gjarnan fylgja upptaka eða vídeó, en það er þó ekki nauðsynlegt.

Ef umsókn uppfyllir ekki ofantalin skilyrði verður hún ekki tekin til greina.

Umsóknarfrestur er til 28. febrúar

Umsóknarfrestur stendur til og með 28. febrúar og skal skila umsóknum rafrænt í tölvupósti á netfangið vala@mic.is. Vinsamlegast setjið „YRKJA V MEÐ SÍ, UMSÓKN“ í efnislínu (subject). Öll gögn skulu send á **pdf** formi (enginn umsóknartexti í meginmáli tölvupóstsins), nema mynd sem má vera **jpg** eða **png**. Hljóddæmum og vídeóum skal skilað sem **tengli á vefsvæði** s.s. Vimeo, YouTube, Soundcloud eða Dropbox.

Vinsamlegast sendið allar fyrirspurnir um umsóknir í tölvupósti til Valgerðar G. Halldórsdóttur, framkvæmdastjóra Tónverkamiðstöðvar, vala@mic.is.